



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

აკაკი



კავკასიური აკაკი

აკაკი (*Celtis*), მცენარეთა გვარი თელისებრთა (ბოგჯერ აკაკისებრთა ოჯახში აერთიანებენ) ოჯახისა.

ხეები, იშვიათად ბუჩქებია. აერთიანებს 75-მდე სახეობას, რეზინის უმთავრესად გავრცელებულია ჩრდ. ნახევარსფეროს ზომიერ სარტყელში (ფოთოლმცვივანი სახეობები) და ტროპიკებსა და სუბტროპიკებში (მარადმწვანე სახეობები). საქართველოში ველურად იზრდება ა-ის 3 სახეობა (ინტროდუცირებულია კიდევ 4): სამხრეთული ა. (*C. australis*) 15 - 20 მ სიმაღლის ხეა. იზრდება მხოლოდ

კოლხეთში, მთის ქვედა სარტყელში; კავკასიური ა. (*C. caucasica*) გვხვდება მთელ აღმ. საქართველოში მთის შუა სარტყლამდე, კლდოვან ადგილებსა და მეჩხერ ტყეში. მისი სიმაღლე 20 მ აღწევს; შიშველი ა. (*C. glabrata*), რ-ის სიმაღლე 3 - 5 მ, ასევე გავრცელებულია მთელ აღ. საქართველოში, მშრალ, კლდოვან და კირქვიან ფერდობებზე. ა. სინათლისა და სითბოს მოყვარული, გვალვამძლე მცენარეა. კარგად ეგუება მშრალ, ქვალორლიან და კლდოვან ადგილებს. მის მაგარ მერქანს იყენებენ სამშენებლო საქმეში. ქერქი შეიცავს მთრიმლაგ ნივთიერებებს.

ვ. მათიკაშვილი
